



Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

**Meeqqat inuusuttuaqqallu angerlarsimaffiup avataanut inissineqarsimasut inersimasunut ikaarsaarneranni ilisimasat tunngavigalugit periusissiamik UKA 2019-imi saqqummiussaqaarnissaannik Naalakkersuisut pisussaaffilerneqaarnissaannik Inatsisatut aalajangivigisassaattut siunnersuut**

(Inatsisartunut ilaasortaq Mikivsuk Thomassen, Inuit Ataqatigiit)

### **Tunngavilersuut:**

Angerlarsimaffimi alliatornermi atukkat pissutigalugit meeqqat amerlaqisut angerlarsimaffiup avataanut inissineqartarput. 18-inik ukioqalernissamik tungaannut ulloq unnuarlu paarsivinnut imaluunniit ilaqutariinnut inissineqartarput, inissineqarsimasullu ilaat amerlasuut inersimasutut akisussaaffeqarlutik pisussaaffeqarlutillu inuulernissartik ajornartorsiutigisarpaat. Misissuineqtaqut paasineqareerpoq inuusuttut angerlarsimaffiup avataanut inissitaasimasut ilinnialernissamut, suliffeqalernissamut aammalu namminerisaminnik angerlarsimaffeqalernissamut nukissaqannginnerusartut.

Ajornartorsiutit angerlarsimaffeerunnermik, nunanut allanut nuunnermik aammalu ajornartorsiutinik taaneqartunik allanik nassataqartarput pinngitsoorniarlugit periusissiorqartariaqarpoq. Periusissiakkut inuiaqatigiit qanoq iliorlutik inuusuttunik taakkuninnga inissineqarnerisa kingorna pitsaanagerusumik tapersersuisinnaanersut taamaalillutillu namminneq inuuneqalernissaannut inersimasutullu inuunerup atugarititaanik nammassinnaanngornissaannut tapersersuisinnaanersut tikkuarneqassaaq.

Inunnik isumaginnittut, inuiaqatigiilerituut, qinikkat, inissiaatileqatigiit allallu attuumassuteqarsinnaasut periusissiornermut peqataasinnaapput periusissiap ilisimasanik misilittakkanillu tunngaveqaarnissaa siunertaralugu, iluatsissappallu tamakku pisariaqartutut isigineqarput.

Meeqqat inuusuttuaqqallu 18-inik ukioqalerneranni kommunini aalajangiisoqarpat tapersersuineq malitseqartitsinerlu pisariaqassasut taava Meeqqanut tapersiisarneq pillugu Inatsisartut inatsisaanni nr. 20, 26. juni 2017-imeersumi kapitel 11-imi iliuuseqaarnissamut periarfissaqartoq

# INUIT ATAQATIGIIT

## Inatsisartuni



ilisimalluarparput. Periarfissap taassuma naammattumik atorneqartannginnera pasitsaassimalerparput. Taamaammat attuumassuteqartut inatsisip siunertaanik naammassinnissagutta qanoq iliornissatsinnik siunnersuuteqartussat misilittagaannik tunngaveqarluni periusissiortoqarnissaa piumasaraarput.

**Pisortanut aningaasatigut allaffissornikkullu kingune risassai:**

Periusissiorneq, aamma ilisimasalinnut tusarniaanerit AC-fuldmægtigip ukioq ataaseq sulineranik naleqartussatut missingerneqarput, tassa 500.000 kr.-it missannik. Aningaasanut taakkununga ilaassapput nutserineq, naqiterineq, aammalu periusissiap saqqummiunneqarnera. Periusissiaq aammalu atorneqalernera siunissami iluaqutaasussatut isigineqarpoq taamalu imminut akilersinnaalluassalluni.

**Namminersortunut aningaasaatigut allaffissornikkullu kingunerisassai:**

Soqanngilaq

**Innuttaasunut aningaasatigut allaffissornikkullu kingunerisassai:**

Soqanngilaq.